

Ո՞ՒՐ ԳՆԱՄ ՔՈՆԵՐԿԱՅՈՒԹՅՈՒՆՆԻՑ

ԲԱՆԱԼԻ ՀԱՄԱՐ. ԾՆՆԴՈՑ 3.8; ՀՈՎՆԱՆ 1.3

8 Եվ Տեր Աստծու ձայնը լսեցին, որ ման էր գալիս պարտեզում օրվա զով ժամին: Ադամն ու իր կինը թաքնվեցին Տեր Աստծու **երեսից** (ներկայությունից pānīm) պարտեզի ծառերի մեջ:

Ել. 33.14-15 - **14** Եւ նա ասեց. Իմ երեսը պիտի գնայ, եւ ես քեզ կհանգստացնեմ: **15** Եւ Մովսէսն ասեց նորան. Եթէ քո **երեսը** մեզ հետ չգնա, մեզ այս տեղից մի հանիր:

Ծննդոցից մինչև Հայտնություն կա մի անփոփոխ ճշմարտություն. Անհնար է փախչել Աստծո ներկայությունից:

Հայտնություն 6.15-16 - Եվ երկրի թագավորները, մեծամեծներն ու հարուստները, հազարապետներն ու զորավորները, բոլոր ծառաներն ու բոլոր ազատները **թաքնվեցին** քարայրներում ու լեռների ծերպերում: Եվ լեռներին ու ժայռերին ասում էին. «Ընկե՛ք մեզ վրա ու ծածկե՛ք մեզ գահի վրա նստողի երեսից և Գառան բարկությունից»:

Ադամն ու Եվան փորձեցին, Հովնանը նույնպես փորձեց, իսկ Դավիթն ասաց՝

Ո՞ր գնամ քո Հոգուց և քո ներկայությունից ո՞ր փախչեմ (Սաղմոս 139.7):

ՓԱԽՈՒՍՏ ԱՍՏԾՈՆ ԵՐԿԱՅՈՒԹՅՈՒՆՆԻՑ (ՀՈՎՆԱՆ 1.3)

Բայց Հովնանը վեր կացավ, որ Տիրոջ երեսից Թարսիս փախչի: Եվ **իջավ Հոպպե**, մի նավ գտավ, որ **Թարսիս** էր գնում, և նրա վարձը տվեց ու **նրա մեջն իջավ**, որպեսզի Տիրոջ երեսից նրանց հետ Թարսիս գնար:

- **Թարսիսը խորհրդանշում էր շեղում և խորտակում**

«Իջավ Հոպպե... իջավ նավը...»

Եվ վերջում՝ «իջավ ձկան փորի մեջ» (Հովնան 2.1):

Ինչո՞ւ ենք մենք փախչում Տիրոջ ներկայությունից

ԱՆՉԱՐ Է ՓԱԽՉԵԼ ԱՍՏԾՈՆ ՆԵՐԿԱՅՈՒԹՅՈՒՆՆԻՑ (ՍԱՂՄՈՍ 139.7-10)

7 Ո՞ր գնամ քո Չոգուց և քո ներկայությունից ո՞ր փախչեմ: **8** Եթե վեր ելնեմ երկինք, դու այնտեղ ես, և եթե պառկեմ դժոխքի մեջ, ահա դու այնտեղ ես: **9** Եթե արշալույսի թևերն առնեմ և բնակվեմ **ծովի վերջին ծայրերին**, **10** Այնտեղ էլ քո ձեռքն է առաջնորդելու ինձ, և քո աջն է բռնելու ինձ:

- Չովնանը պարզապես մեկ բան հասկացավ՝ որ Աստծո ներկայությունը ամենուր է:

Չես կարող նավով փախչել Նրա աչքից:

Չես կարող խավարի մեջ թաքնվել Նրա լույսից:

Երեմիա 23.24 – Մի մարդ կարո՞ղ է ծածուկ տեղեր թաքնվել, որ ես նրան չտեսնեմ, ասում է Տերը.

ՀՈՎՆԱՆԸ ՓԱԽԱՎ ԱՍՏԾՈՆ ՆԵՐԿԱՅՈՒԹՅՈՒՆՆԻՑ, ԲԱՅՑ ԶԿԱՆ ՓՈՐՈՒՄ ՀԱՆԴԻՊԵՑ ՆՐԱՆ. (ՀՈՎՆԱՆ 2.2)

1 Եվ Չովնանը ձկան փորից աղոթք արեց Տիրոջը՝ իր Աստծուն: **2** Եվ ասաց. **Իմ նեղության մեջ** Տիրոջը կանչեցի, և **նա ինձ պատասխանեց**. անդունդի ընդերքից աղաղակեցի, և դու լսեցիր իմ ձայնը:

1. **Աստծո ողորմությունը չդադարեց՝ նույնիսկ Չովնանի փախուստի ժամանակ:**

Սաղմոս 23.6 – Այսպես բարիքը և ողորմությունը կգան **իմ հետևից** իմ կյանքի բոլոր օրերին, և Տիրոջ տանը կբնակվեմ ամբողջ կյանքիս ընթացքում:

որովհետև Տերն ում սիրում է, խրատում է. Եբր. 12.6

2. **Աստծո ներկայությունը փոխում է մեզ:**

Ձկան փորի մեջ Յովնանը ապաշխարեց:

ՄԻՄՈՆ՝ ՀՈՎՆԱՆԻ ՈՐԴԻ – ՀԱՅՏՆՈՒԹՅՈՒՆ ՆԵՐԿԱՅՈՒԹՅԱՆ ՄԵՋ (ՄԱՏԹԵՈՍ 16.17)

Սիմոն Պետրոսը պատասխանեց ու ասաց. *Դու Քրիստոսն ես՝ կենդանի Աստծու Որդին: Հիսուսը պատասխանեց ու ասաց նրան. Երանի՛ք եզ, Սիմոն, Յովնանի՛ որդի, որովհետև ոչ թե մարմինն ու արյունը հայտնեցին քեզ, այլ իմ Հայրը, որ երկնքում է:*

Ուշադրություն դարձրեք. Հիսուսը նրան կոչում է **Յովնանի որդի:**

Հովնանը փախավ Աստծո ներկայությունից, բայց Աստծո աչքը երբեք չհեռացավ նրանից: Նույնը տեղի ունեցավ նաև Պետրոսի կյանքում:

Երկուսն էլ, տարբեր ճանապարհներով անցնելով, հասան նույն հայտնությանը.
«Դու ես Քրիստոսը՝ Կենդանի Աստծո Որդին»:

Աստծո ներկայությունը չի բերում դատապարտություն, այլ՝ նոր սկիզբ:

ԱՍՏԾՈՆ ՆԵՐԿԱՅՈՒԹՅՈՒՆԸ ՎԵՐԱԿԱՆԳՆՈՒՄ Է ԿՅԱՆՔԻ ՆՊԱՏԱԿԸ (ՀՈՎՆԱՆ 3.1-2)

Եվ Տիրոջ խոսքը **երկրորդ անգամ** հասավ Յովնանին՝ ասելով. *Վեր կաց, գնա՛ Նինվե մեծ քաղաքը և նրա մեջ քարոզի՛ր այն պատգամը, որ ես կասեմ քեզ:*

- **Փառք Աստծուն «երկրորդ հնարավորության» համար:**

Նույն ձայնը, որից Յովնանը փորձում էր փախչել, կրկին խոսեց նրա հետ:

- **Սա Տիրոջ ներկայության մեջ գործող շնորհի գործությունն է:**

Աստծո ներկայությունը մեզ չի լքում մեր ձախողման մեջ:

Երբ Ադամն ու Եվան թաքնվեցին, Աստված կանչեց՝ «Ադամ, ուր ես» (Ծննդոց 3.9):

Յովնանին էլ նույն ձայնը կրկին կանչեց՝ «Վեր կաց, Յովնան»:

Նույն կոչը, նույն Աստվածը, բայց՝ փոխված Յովնան:

ՆԵՐԿԱՅՈՒԹՅԱՆ ՎԵՐՋՆԱԿԱՆ ՀԱՅՏՆՈՒԹՅՈՒՆԸ՝ ՀԱՅՏՆՈՒԹՅՈՒՆ 21-22

Հայտնություն 21-22 գլուխներում մենք տեսնում ենք ներկայության կատարելությունը. Այլևս չկա բաժանում, այլևս չկա մեղք, այլևս չկա փախուստ:

Աստծու ու Գառան գահը նրա մեջ է լինելու, և նրա ծառաները պաշտելու են նրան: Եվ տեսնելու են նրա երեսը...(Հայտնություն 22.3-4):

Եղեմում մարդը թաքնվեց Աստծո երեսից, բայց Նոր Երյուսաղեմում սրբերը տեսնում են Նրա երեսը բաց և առանց ամոթի:

- Անկախ ամեն ինչից՝ արդյո՞ք Հիսուսն քո նավակի մեջ է:
- Արդյո՞ք դու գտնվում ես կյանքի փոթորկալի ծովում:
- Արդյո՞ք դու թիավարում ես սխալ ուղղությամբ: Գուցե եկել է ժամանակը հանձնելու քո կյանքը Հիսուսին:

ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ ՄԻՋՈՑՈՎ